

SIARAN AKHBAR



Pejabat Akhbar

Kedutaan Amerika Syarikat

Kuala Lumpur, Malaysia

Telefon: (603)-2168-5000

Faks: (603)-2148-9192

Lawati  <http://www.facebook.com/usembassykl>

Ikuti kami  <http://twitter.com/usembassykl>

PERHATIAN: PENGARANG BERITA

3 Januari 2013

PROGRAM ARTISTRY OF SPICES BANTU KANAK-KANAK BELAJAR TENTANG DUNIA REMPAH-RATUS

Kuala Lumpur, 3 Januari 2013 - Pembelajaran tentang rempah-ratus menjadi mudah untuk kanak-kanak melalui program "Artistry of Spices" yang ditaja oleh Kedutaan A.S. semasa bengkel untuk kanak-kanak bersama artis A.S. Brookie Maxwell di kediaman rasmi Duta Besar A.S. pada 2 Januari 2012. Melalui bengkel ini, tetamu-tetamu muda dari Yayasan Chow Kit seronok belajar tentang rempah-ratus dari seluruh dunia dan membandingkan pelbagai jenis rempah untuk membangunkan deria dan kesedaran budaya. Mereka menggunakan deria rasa, bau, penglihatan, pendengaran, dan sentuhan untuk meneroka dunia rempah-ratus.

Para peserta program memperluaskan pengetahuan mereka dengan melukis, membaca, menulis, dan menyelidik secara online untuk belajar tentang keluarga, budaya, geografi, dan sejarah global - kesemuanya melalui rempah-ratus. Mereka melihat peta dunia untuk mencari negara asal rempah itu dan bercakap bagaimana rempah dipasarkan dan cara rempah dibawa - termasuk dengan keldai dan kapal terbang jet. Mereka merasa rempah yang lazim seperti kari, rempah baru seperti rempah Berber dari Ethiopia, Juniper dari Sweden, Bijian Syurga dari Ghana, dan Gumbo dari Amerika. Semasa salah satu bahagian program, kanak-kanak mencipta tarian berasaskan rempah yang diakhiri dengan sedikit Gaya Gangnam. Mereka memilih satu rempah kegemaran mereka, dan membuat balang rempah dengan label sendiri yang mereka buat sendiri.

Sepanjang program ini, kanak-kanak dan sukarelawan berkongsi makan tengah hari, kek cawan rempah dan teh chai yang dibuat oleh Catherine Jones, isteri Duta Besar A.S. Paul W. Jones. Duta Besar Jones juga hadir dan bercakap dengan kanak-kanak dan sukarelawan.

Muhammed, tujuh tahun, melukis gambar patah hati di atas kertas. Dia kemudiannya menulis, "I love you" dan nama-nama orang dewasa yang membantunya pada pagi itu: sukarelawan Suk Ling dan Tentera Marin Keselamatan Amerika Syarikat dari Kedutaan. Tersentuh dengan komen Muhammed, Brookie Maxwell memberi plaster, dan Suk Ling meletakkannya betul-betul pada lukisan hati yang patah. Muhammed tersenyum lebar dan berkata dia telah sembuh, dan berlari keluar untuk bermain.

Pada akhir program setiap kanak-kanak bercakap di depan kamera tentang setiap rempah yang mereka pilih, dan dari mana rempah itu datang. Mereka menunjukkan label rempah mereka dengan bangga. "Hari ini adalah hari yang menggembirakan," kata Shakila, 12 tahun. Kanak-kanak menyanyikan lagu tradisional Malaysia selamat tinggal sebelum pulang. Rempah dan kasih sayang serta makanan dimasak bersama mereka - menghubungkan kami semua.